

KENYATAAN MEDIA

PELANCARAN ANUGERAH KOMUNITI MAMPAN

Pada 14 April 2012, Majlis Bandaraya Petaling Jaya telah mengadakan Majlis Pelancaran Anugerah Perdana Komuniti Mampan 2012. Kejayaan penganjuran pada tahun ini, adalah hasil usahasama Persatuan-persatuan penduduk dan rukun tetangga yang mengambil bahagian setiap tahun dan sentiasa memberikan komitmen untuk memastikan kejayaan menjadi milik bersama.

Pada tahun ini barisan panel penilai juga telah membuat kajian secara komprehensif khususnya dari segi isu keselamatan, pemuliharaan alam sekitar, penjanaan ekonomi dan integrasi sosial yang sememangnya menjadi keutamaan komuniti kejiranan Petaling Jaya. Pada hari ini juga perkongsian dari panel penilai kepada penduduk diharapkan dapat dijadikan garis panduan apa yang perlu dilaksanakan oleh penduduk setempat.

Selaras dengan hasrat untuk menjadikan Petaling Jaya bandar berkarbon rendah, Majlis menggalakkan masyarakat PJ mengamalkan gaya hidup yang mesra alam dengan persekitaran berkarbon rendah yang mana MBPJ melaksanakan skim rebat cukai taksiran dan anugerah tokoh hijau.

Pelancaran buku coffeetable “Petaling Jaya Sustainable Community Initiatives...The Spirit Of A City” merupakan satu dokumen penting yang memaparkan segala usaha, kerjasama dan hubungan erat komuniti dalam mewujudkan persekitaran yang mampan dan kondusif. Setelah pelaksanaan selama lebih 10 tahun program local agenda 21 di Petaling Jaya. Penghasilan buku ini yang menceritakan kekuatan dan semangat di Petaling Jaya. Ia juga satu testimoni penting yang menjelaskan segala komitmen dan kerjasama erat yang terjalin di antara masyarakat, pihak stakeholders dan Majlis sendiri sebagai pihak berkuasa tempatan yang prihatin.

Kedua-dua perkara ini merupakan elemen penting di dalam local agenda 21 Petaling Jaya yang mana buku tersebut menghimpunkan dan memaparkan segala amalan-amalan baik dan inisiatif yang telah dilaksanakan oleh komuniti ke arah mewujudkan persekitaran yang mampan selaras dengan Konsep Local Agenda 21.

Anugerah Perdana Komuniti Mampan juga telah menjadi platform dalam menggalakkan organisasi penduduk dan kawasan-kawasan kejiranan supaya merancang dan melaksanakan inisiatif mampan seperti pengkomposan, pemuliharaan sungai, aktiviti 3r (*reuse, reduce, recycle*), penanaman pokok, sistem pengumpulan air hujan, urban farming, gotong-royong, pasukan keselamatan kejiranan dan sebagainya.

MBPJ sememangnya sangat berbangga dengan masyarakat dan komuniti di petaling jaya yang telah bersama-sama selama 10 tahun dalam melaksanakan pelbagai amalan baik dan inisiatif mampan. Justeru itu pada tahun 2012 ini, MBPJ akan meneruskan lagi anugerah yang berprestij di peringkat majlis ini dengan memberi sedikit perubahan

dan nafas baru di dalam aspek penilaian dan pemilihan. Diharapkan agar tahun 2012 ini akan menyaksikan lebih banyak penyertaan daripada kawasan kejiranan dan organisasi penduduk di seluruh petaling jaya.

Sememangnya MBPJ sentiasa menghargai segala usaha yang telah dilaksanakan oleh jabatan perancangan pembangunan terutamanya pasukan local agenda 21 dan barisan panel penilai kerana berjaya menerbitkan sebuah dokumentasi yang amat bermakna. Perkara ini juga akan menjadi benchmark kepada segala usaha-usaha majlis ke arah mewujudkan sebuah persekitaran yang mampan, harmoni dan kondusif.

Penglibatan dan sumbangan para penilai yang diketuai oleh Y.BHG. Datin Paduka Dr Halimaton Saadiah bt Hashim sejak mulanya anugerah ini dianjurkan sehingga kini telah berjaya melihatkan anugerah ini dijadikan teladan kepada pihak berkuasa tempatan lain (PBT) dalam perlaksanaan inisiatif Local Agenda 21, Petaling Jaya.

MBPJ menyeru agar semua komuniti dan kejiranan di petaling jaya sama-sama menyertai anugerah perdana komuniti mampan petaling jaya untuk tahun 2012 ini dan seterusnya. Setiap ahli majlis mbpj juga diharap dapat memainkan peranan untuk menggalakkan komuniti di kawasan masing-masing supaya sama-sama menyertai anugerah ini dan berganding bahu dalam menjadikan petaling jaya ke arah pembangunan mampan.

Di sediakan oleh:

**Sekretariat Media,
Unit Perhubungan Awam,
Majlis Bandaraya Petaling Jaya.**

Laman web: www.mbpj.gov.my, facebook: Petaling Jaya City Council, twitter: pjcitycouncil,
emel: media@mbpj.gov.my Tel : 03-79563544 sambungan 203/204, Faks : 03-79582695

Sebarang pertanyaan atau maklumat lanjut, sila hubungi:

Pegawai Perhubungan Awam MBPJ, Puan Zainun bt Zakaria, 019-2239604, zainun@mbpj.gov.my

Penolong Pegawai Perhubungan Awam MBPJ, Ahmad Iskandar b. Mohamad Mukhtar, 017-6946884,
ahmadiskandar@mbpj.gov.my